

**UGOVOR O JAVNOJ NABAVCI
BROJ OP-40/18
(magnet za fizikalnu medicinu)**

Zaključen između ugovornih strana:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj 4200174570004, koju zastupa generalni direktor mr.sci.med.prim.dr. Fuad Husić (u daljem tekstu: **Naručilac**)

I

2. **Derby Trade d.o.o.**, sa sjedištem u Brčkom, ulica Jovana Dučića br.1, ID 4600044980004, koju zastupa direktor Mr. Zdravko Marinčić, (u daljem tekstu: **Izvršilac**).

Ugovorne strane su saglasne u sljedećem:

I Osnova za zaključenje ugovora

Član 1.

Osnov za zaključenje ugovora je Odluka o pokretanju postupka javne nabavke broj 01-03-6872/18 od 25.07.2018 godine, Odluka o izboru ponuđača broj 01-03-6872-6/18 od 27.08.2018 u postupku javne nabavke broj OP 40/18.

Ovim ugovorom ugovorne strane utvrđuju vrstu i količinu robe koju će izvršilac isporučiti naručiocu, međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

II Predmet ugovora

Član 2.

Predmet ugovora je nabavka i isporuka **medicinske opreme – 4 magneta za fizikalnu medicinu**, za potrebe Javne ustanove Dom zdravlja Kantona Sarajevo, bliže specificirana u ponudi Izvršioca, koja je sastavni dio Ugovora.

Predmet ugovora koji se isporučuje mora biti bez ikakvih oštećenja, proizvodnih nedostataka i da zajedno sa pratećom dokumentacijom kao cjelinom, ispunjava postavljene tehničke zahtjeve.

III Ukupna vrijednost ugovora

Član 3.

Ukupna vrijednost ugovora iz člana 2. Ugovora, sa uključenim PDV-om iznosi:

18.673,20 KM

(Slovima: osamnaest hiljada šeststotinasedamdesettri KM i 20/100 pf).

IV Obezbjedenje sredstava

Član 4.

Sredstva u iznosu iz člana 3. Ugovora, obezbjedit će Naručilac iz vlastitih sredstava amortizacije.

V Cijena

Član 5.

Za isporučenu robu važe cijene iz tenderske ponude koje se ne mogu mijenjati, a sastavni su dio ovog ugovora.

VI Stupanje na snagu ugovora

Član 6.

Ugovor stupa na snagu danom potpisivanja Izvršioca i traje do isporuke, instalacije i puštanja u rad predmeta nabavke u skladu sa Aneksom 2 tenderske dokumentacije.

VII Rok i način isporuke

Član 7.

Rok isporuke predmeta Ugovora je najduže do 30 dana od dana potpisivanja ugovora. Ukoliko ponuđač iz objektivnih razloga nije u mogućnosti izvršiti isporuku u ugovorenom roku, Naručilac može na pismeni zahtjev i obrazloženje Izvršioca, produžiti rok isporuke najduže za 30 dana.

Izvršilac je dužan da 3 (tri) dana prije predviđene i planirane isporuke predmeta ugovora, o tome obavijesti ovlaštenog predstavnika Naručioca (šef Tehničke službe), koji određuje dinamiku i mjesto isporuke predmeta Ugovora.

Prilikom isporuke predmeta ugovora Izvršilac je obavezan predati ovjerenu i potpisanu izjavu da predmet ugovora nema nikakvih nedostataka i da je u svemu u skladu sa prihvaćenom ponudom.

Ukoliko Izvršilac ne ispoštuje rok i uslove iz stava 1. ovog člana, ugovor će se smatrati raskinutim.

Član 8.

Predmetna roba mora biti osigurana od mjesta utovara do mjesta odredišta od nastupanja eventualne štete u transportu za koju odgovornost snosi Izvršilac.

Ako se zapisnički utvrdi da roba koju je Izvršilac dostavio ima nedostatke u kvalitetu i očiglednih grešaka - vidljivi nedostaci, Naručilac odmah, bez odlaganja obavještava Izvršioca da iste otkloni ili zamijeni robom ugovorenih karakteristika u skladu sa tehničkim zahtjevima iz tenderske dokumentacije.

Član 9.

Smatra se da je izvršena adekvatna isporuka kada se u mjestu isporuke izvrši kvantitativan i količinski prijem robe, što se potvrđuje zapisnikom koji potpisuju najmanje dva

odgovorna lica koje odredi direktor organizacione jedinice na licu mjesta i najmanje jedno ovlašćeno lice Izvršioca.

Zapisnik iz predhodnog stava i dostavljena faktura Naručiocu, predstavljaju osnov za plaćanje ugovorne cijene.

VIII Garantni rok

Član 10.

Izvršilac je odgovoran za ispravnost predmeta Ugovora u garantnom roku.

Izvršilac odobrava garanciju na predmet ugovora u trajanju od četiri (4) godine, sa svim garantnim pravima.

Garancija počinje teći danom stavljanja predmeta Ugovora u funkciju, do kada je Izvršilac obavezan, uz isporučeni predmet Ugovora dostaviti i uredno ovjeren garantni list.

Član 11.

U slučaju kvara aparata u garantnom roku, Izvršilac je dužan da obezbjedi dolazak ovlaštenog servisera na lice mjesta, u roku koji ne može biti duži od 48 sati, računajući od dana prijema poziva.

Svi troškovi popravke predmeta Ugovora u garantnom roku padaju na teret Izvršioca.

Za svaki dan nefunkcionisanja predmeta Ugovora u garantnom roku, garancija se produžava.

Ukoliko Izvršilac, u vrijeme trajanja garantnog roka, ne vrati predmet Ugovora u funkcionalno stanje u roku od 30 (trideset) dana, računajući od dana prijave kvara, dužan je da izvrši zamjenu rashladnog uređaja sa novim, o svom trošku, koji mora biti istih ili boljih tehničkih karakteristika od ugovorenih.

IX Način i uslovi plaćanja

Član 12.

Nakon stupanja na snagu ovog Ugovora, plaćanje predmeta ugovora vršit će se u roku do 60 dana od dana ispostavljenе fakture, a koji počinje teći od dana isporuke predmeta ugovora.

X Ostale odredbe

Član 13.

Ugovorne strane su saglasne da će sve sporove koji eventualno nastanu u toku i u vezi sa realizacijom ovog Ugovora, rješavati sporazumno, dok će u suprotnom biti nalažen Sud u Sarajevu.

Član 14.

Na sve što nije predviđeno ovim Ugovorom, primjenjivat će se odredbe Zakona o obligacionim odnosima.

Član 15.

Ugovor stupa na snagu danom potpisivanja Izvršioca, a sačinjen je u pet primjeraka od kojih Naručilac zadržava četiri primjerka (SEFP, STP, JN, koordinator za CBR) a Izvršilac, jedan primjerak.

NARUČILAC
Javna ustanova Dom zdravlja
Kantona Sarajeva

Generalni direktor
Mr.med.sci.prim.dr. Erad Husic
Spec.porodične/obiteljske medicine

Dana, 11.10.2018, godine
Broj: 01-03-6872-7/18

22-10-2018

IZVRŠILAC
Derby Trade d.o.o

Direktor
Mr. Zdravko Marinčić

Dana, 16.10.2018
Broj: 270-10/18



OBRAZAC ZA CIJENU PONUDE

Naziv ponuđača: DOO DERBY TRADE BROKOAdresa ponuđača: JOVANA DUKIĆA 1;Kontakt telefon: 049/490-960Kontakt osoba : MR. ĐORAVKO MARINČIĆ

Predmet nabavke

MAGNET ZA FIZIKALNU MEDICINU Evidencijski broj : OP 40/18

Opis robe	Proizvođač	Godina proizvodnje	Jed. mjere	Količ.	Jedinična cijena bez PDV-a u KM	Ukupna vrijednost bez PDV-a u KM
Magnet za fizikalnu medicinu sa krevetom	ELECTRONIC DESIGN, SRBIJA	2018	kom	4	3.990,00	15.960,00
POPUST %					—	
Vrijednost bez PDV-a sa uračunatim popustom					15.960,00	
PDV 17 %					2.713,20	
UKUPNA VRIJEDNOST SA PDV-om u KM					18.673,20	
ukupno sa PDV-om:					OSAMNAEST HIJADA ŠESTO SEDAMDESET TRI i 20/100	

Rok plaćanja 60 dana od dana ispostavljanja fakture

Rok isporuke: 30 dana od dana prijema narudžbenice

Garantni rok na aparate: 4 GODINE

Mjesto isporuke: JU Dom zdravlja KS

Sastavni dio obrasca sa cijenu ponude je obrazac Tehničke specifikacije Aneks 2a

Potpis i pečat ponuđača


